

JUN 2015

**KEMURIDAN: MISI KE ARAH TRANSFORMASI KEMANUSIAAN
MEMBINA RUANG UNTUK BERSAMA**

FOKUS:

Sebagai orang-orang pilihan Tuhan kita perlulah mempunyai belas kasihan, kemurahan, kerendahan hati, kelemah-lembutan dan kesabaran terhadap orang lain.

LAGU PEMBUKAAN: KASIH

Kasih pasti lemah lembut, kasih pasti memaafkan
Kasih pasti murah hati, kasihMu..kasihMu Tuhan

Ajarilah kami ini saling mengasihi
Ajarilah kami ini saling mengampuni
Ajarilah kami ini kasihMu ya Tuhan
kasihMu...kudus tiada batasnya

LIHAT KEPADA KEHIDUPAN:

Michael dan Sharon, baru sahaja pulang dari berbulan madu mereka di Kashmir dan berpindah ke rumah mereka sendiri. Beberapa minggu pertama, mereka menghabiskan masa bersama-sama. Mereka kembali bekerja dan masing-masing mengongkang tentang pengalaman berbulan madu mereka pada teman-teman. Semasa menyediakan makan malam, mereka menghabiskan masa bersama berkongsi cerita tentang kerjaya mereka.

Kemudian mereka menonton televisyen bersama, dan mengambil masa berdoa bersama sebelum tidur. Mereka amalkan sikap keterbukaan dan tidak mengongkong pasangan dalam hubungan perkahwinan mereka. Masing-masing mempunyai aktiviti masa lapangnya sendiri, -Sharon menghabiskan setiap malam Selasa dengan rakan-rakannya di kelab '**tarian garis**' atau **Line dance**, manakala Michael dan kawan-kawannya bermain bowling atau snooker. Ini membuatkan hubungan mereka lebih berharga.

Kadang-kadang, mereka pergi menonton filem atau bermain bersama dengan teman-teman mereka. Ada kalanya, Sharon akan makan di luar dengan teman-temannya dan begitu juga dengan Michael. Dan mereka tidak pernah mempersoalkan tentang persahabatan mereka. Semua ruangan ini membantu mereka untuk meluaskan persahabatan mereka sebagai individu, namun tetap menjaga batasan sebagai suami isteri dan ini menguatkan hubungan perkahwinan mereka.

Sharon bekerja dan mempunyai pendapatannya sendiri. Michael memujuknya untuk menyetorkan sebahagian daripada gajinya untuk kegunaan dia sendiri dan begitu juga

sebaliknya. Pendapatan yang selebihnya adalah untuk perbelanjaan isi rumah dan kegunaan di masa kecemasan.

Masa berlalu, cinta mereka semakin berkembang dan ikatan perkahwinan mereka bertambah intim. Sesungguhnya mereka adalah, "pasangan sejiwa," dan bukannya "pasangan satu sel". Mereka mempunyai ruangan untuk mereka sendiri dan juga "**membuat ruang untuk orang lain.**"

RENUNGAN:

- Apakah yang anda faham dengan istilah "membuat ruang untuk orang lain"?
- Kongsi beberapa amalan yang membantu saya dalam membangunkan atau memulihkan atau mengukuhkan hubungan antara suami isteri / ibu bapa dan anak / adik-beradik?

SABDA ALLAH: KOLOSE 3:12-17

Kita membaca teks tersebut sebanyak dua kali.

* Kita memetik frasa pendek dari teks yang menyentuh hati kita dan membacanya secara kedengaran sebanyak tiga kali. Bacaan setiap frasa diselangi saat-saat senyap.

* Kita mengambil masa dua minit untuk mendengar pesanan Tuhan.

* Kita kongsi *pesanan Tuhan dalam kumpulan berpandukan* frasa-frasa yang menyentuh perasaan kita.

- Tentukan "Sabda Kehidupan" bagi kumpulan kamu. Dan kongsi dalam kumpulan besar apa Sabda kehidupan yang kamu pilih untuk dipraktikkan sepanjang bulan ini.

Hidup Dalam Kasih:

Aktiviti Kumpulan: Bertindak dalam KASIH

- Tulis di atas sekeping kertas satu contoh bagaimana anda secara peribadi "membuat ruang untuk orang lain" dalam keluarga / komuniti anda.
- Masukkan kertas itu ke dalam kotak yang telah disediakan
- Setelah semua selesai menulis contoh konkrit dan memasukkan dalam kotak itu.
- Setiap orang secara rawak mengambil satu slip kertas dan membacanya dengan kuat
- Hening sebentar setelah slip kertas itu dibaca
- Berdoa agar kita semakin bersikap terbuka untuk "membuat ruang untuk orang lain" dalam keluarga dan komuniti kita.

Doa Penutup:

Mintalah seorang anggota keluarga untuk mengucapkan doa penutup.

Lagu Penutup: Allah Itu Adalah Kasih

Allah itu adalah kasih, namun kasihNya dikhianati oleh dosa,
Tetapi kasihnya setia dan abadi, manusia hidup kembali dalamNya.

Kasih Allah ternyata dalam kita, diutusNya Kristus ke dunia,
Menyelamatkan kita dari dosa, sumber perdamaian dan kehidupan.

*Percayalah hai domba-domba, Allah gembala yang maha baik,
Kita diiring kepada kejauhan, ke arah kehidupan kekal.*

Tambahan Bacaan

Gereja berarti menjadi umat Allah, sesuai dengan rencana besar cinta Allah. Ini berarti bahwa kita menjadi rasi Allah di tengah-tengah umat manusia. Ini berarti kita mewartakan dan membawa keselamatan Allah dalam dunia, yang sering tersesat dan perlu didorong, diberi harapan dan diperteguhkan dalam perjalanan. Gereja harus menjadi tempat bebas untuk rahmat diberikan, di mana setiap orang dapat merasa disambut, dicintai, diampuni dan didorong untuk menjalani kehidupan yang baik dari Injil. (EG, n.114)